



**Broj: T18 0 KT 0016944 23**  
**Datum, 22.05.2024. godine**

**OSNOVNOM SUDU  
BRČKO DISTRIKTA BIH**

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

**OPTUŽNICU**

Protiv:

1. **T. S.** (...),
2. **R. I.** (...),
3. **B. A.** (...),
4. **R. I.** (...).

Što su:

Noći 03/04.04.2023. godine, oko 00.00 sati, S, I. i A, nakon što im je I. ponudila da za novčani iznos od 500,00 KM nanese povrede oštećenom D. M, pristali na navedeno, te su putničkim motornim vozilom marke Audi A5, registarskih oznaka T71-J-613, kojim je upravljala I, došli u naselje Ilička, Brčko distrikt BiH, te kada je D. M. po prethodnom nagovoru M. S. B., došao ispred M. zgrade, gdje se nalazio i M. suprug B., tada su sve četvoro, S, I, A. i I. izašli iz pomenutog vozila i s ciljem da D. tjelesno povrijede, svjesni da mu svojim rukama i nogama mogu nanijeti tjelesne povrede, a što su i htjeli, fizički nasrnuli na istog, tako što mu je A. zadao udarac u predjelu glave, da bi ga potom nastavili udarati i S. i I., dok je za to vrijeme i M. suprug B., zbog ranijih nerješених odnosa s D., prišao ovim licima, te pokušao da D. stavi najlonsku vreću na glavu, te kada u tome nije uspio i on mu je zadao nekoliko udaraca, nakon čega su i dalje svjesni da je protivpravno oduzimanje slobode kretanja drugome licu zabranjeno, što su i htjeli, postupajući striktno po I. uputama, S. I. i A. D. stavili u gepek, te su ga tako držeći protivpravno zatvorenog, protivno njegovoj volji, odvezli u naselje Begovača, gdje su ga izvadili iz gepeka nastavivši sva trojica da mu zadaju udarce po tijelu i glavi, dok je I. za to vrijeme sve snimala telefonom galameći i prijeteci D. kako će ga sada naučiti kako da se ponaša prema damama, kako je ovo „Ahmetov grad“, da bi se potom sve četvoro udaljili s navedenog mjesta, ostavivši D. u besvjesnom stanju i bez njegovog mobilnog telefona koji mu je I. oduzela, a I. potom odbacio na nepoznato mjesto, kojom prilikom je D. zadobio i laku tjelesnu povredu u vidu crtaste ogrebotine kože središnjeg dijela čela, postavljene uspravno blago ukoso, ka dolje i ulijevo, međusobno paralelne, krvna podlivenost kapaka desnog oka, manja oguljotina kože gornjeg lijevog dosredišnjeg dijela nosne piramide, prugasta oguljotina kože desne strane čela, postavljena ukoso od gore i lijevo ka dolje i desno sa oguljotinama i ogrebotinama kože koje se protežu od njenog unutrašnjeg dijela ka granici čela i kosmatog dijela glave, „uboj“ ili natučenje lijeve uške, prugasta oguljotina/nagnječina kože desne strane donjeg dijela leđa, postavljena blago ukoso ka dolje i upolje, prugasta oguljotina/nagnječina kože desne strane leđa, lokalizovana iznad naprijed navedene, u predjelu tetovaže, postavljene gotovo uspravno, blago ukoso ka gore i upolje, diskretan prugasti krvni podliv kože lijevog dosredišnjeg dijela leđa, postavljen gotovo vodoravno, blago ukoso ka gore i udesno, nagnječina kože lijeve bočne strane grudnog koša naizgled isprekidano prugastog izgleda postavljena gotovo vodoravno, dvije oguljotine kože donjeg dijela lijeve potkoljenice neposredno iznad nivoa skočnog zgloba, dvije oguljotine kože donjeg dijela leđa nešto iznad slabinskog predjela jedna u nivou kralježnice a druga udesno od ove, diskretan prugasti krvni podliv kože lijevog slabinskog dijela leđa postavljen blago ukoso ka gore i udesno, ogrebotine kože donjeg dijela dlanske strane desne podlaktice neposredno iznad nivoa ručnog zgloba i sitne oguljotine kože nadlanske strane desne šake,

dakle, drugome na drugi način protivpravno oduzeli slobodu kretanja, držeći ga zatvorenog protivno njegovoj volji i lako ga tjelesno povrijedili,

čime su učinili krivično djelo – Protivpravno oduzimanje slobode– iz člana 176. stav (1) u sticaju sa krivičnim djelom – Laka tjelesna povreda – iz člana 170. stav (1) sve u vezi sa članom 31. i 54. Krivičnog zakona Brčko distrikta BiH.

[...]

---

Ovom objavom ne prejudicira se ishod krivičnog postupka i ne narušava princip presumpcije nevinosti.  
Svako se smatra nevinim dok se pravosnažnom presudom ne utvrdi njegova krivica.

---